



REPUBLIKA E KOSOVËS
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Max TV
Selami DURMISHI
Drejtor
Skenderaj

Ankesa Nr. 2015/159 KPM vs Max TV
Ref:1510/1290/KPM/am

VENDIM

Lidhur me Ankesën nr. 2015/159 – Komisioni i Pavarur i Media (KPM) kundër Max TV (“Pala Përgjegjëse”)

Faktet

1. Pala Përgjegjëse me datë 26 nëntor 2014, është pajisur me licencë të KPM-së. Me marrjen e Licencës Pala Përgjegjëse është obliguar që të respektojë Ligjin e KPM-së, Kushtet dhe Termet e Përgjithshme të Licencës si dhe aktet tjera nënligjore të nxjerra nga KPM.
2. KPM, me datën 23 prill 2015, ka pranuar një ankesë të parashtruara kundër Palës Përgjegjëse lidhur me bartjen e kanaleve të platformës DigitAlb. Ankesë është parashtruar nga bartësi i të drejtës së kanaleve të platformës DigitAlb për territorin e Republikës së Kosovës, operatori kabllor IPKO.
3. KPM, me qëllim të vlerësimit të pajtueshmërisë së Palës Përgjegjëse me Kushtet dhe Termet e Përgjithshme të Licencës, me datën 28 prill 2015, ka bërë monitorimin e Palës Përgjegjëse në selinë e tij dhe bazuar në raportin e KPM-së të datës 13 maj 2015, ka gjetur se Pala Përgjegjëse ka transmetuar 35 kanale për të cilat nuk ka deponuar dëshmi në KPM se ka të drejtën e bartjes të tyre.
4. KPM, me datë 18 maj 2015, përmes një kërkesë ka kërkuar nga Pala Përgjegjëse, që në afat prej pesë (5) ditësh t'i sjellë marrëveshjet valide me të cilat dëshmon se ka të drejtën e bartjes së kanaleve të lartpërmenduar. Pas kërkesë Pala Përgjegjëse nuk ka arritur t'i sigurojë kontratat për kanalet të cilat është duke i transmetuar pa të drejtë autoriale.
5. KPM, bazuar në shkeljen e Kushteve dhe Termet e Përgjithshme të Licencës nga ana e Palës Përgjegjëse, me datën 24 qershor 2015, i ka dërguar Njoftim për Shkelje me të cilin ka kërkuar nga Pala Përgjegjëse të veprojë në pajtueshmëri me Kushtet dhe Termet e

Përgjithshme të Licencës, në të kundërtën KPM do të ndërmarrë masa ligjore ndaj Palës Përgjegjëse.

6. KPM, me qëllim të verifikimit nëse Pala Përgjegjëse ka bërë ndërprerjen e bartjes së kanaleve pa të drejtë autoriale, me datën 13 gusht 2015, ka bërë edhe një monitorim të kanaleve të bartura nga ana e Pala Përgjegjëse dhe ka gjetur se Pala Përgjegjëse, edhe përkundër Njoftimit për Shkelje, vazhdon t'i bartë kanalet për të cilat nuk posedon marrëveshje valide, duke vazhduar të jetë në shkelje të Kushteve dhe Termeve të Përgjithshme të Licencës.
7. KPM, bazuar në shkeljen e vazhdueshme të Kushteve dhe Termet e Përgjithshme të Licencës nga ana e Palës Përgjegjëse, me datën 5 gusht 2015, i ka dërguar Kërkesë që në afat prej pesë (5) ditësh t'i sjellë marrëveshjet valide me të cilat dëshmon se ka të drejtën e bartjes së kanaleve.
8. KPM, në bazë të raportit të monitorimi të datës 13 gusht 2015 ka gjetur se Pala Përgjegjëse bartë 8 kanale pa të drejtë autoriale: *RTV 21 Popullore, RTV 21 Plus, Musiqi, Stinet HD, Peace TV, ABC Neës HD, RTV 21 Junior, Musical.*

Analiza Ligjore

9. Komisioni i Pavarur i Mediav bazuar në faktet e lartpërmendura konkludon se, Pala Përgjegjëse ka vepruar në kundërshtim me nenin 2, paragrafi 2.1.3 të Kushteve dhe Termeve të Përgjithshme të Licencës i cili përcakton se:

"I licencuari nuk do të ri-transmetojë asnjë program pa marrëveshje valide mbi të drejtën autoriale. Bartja e kanaleve të programeve pa të drejtën autoriale përbën shkelje të rëndë të Kushteve dhe Termeve të Licencës dhe shkeljet e tilla rezultojnë me revokim të Licencës".

10. Bazuar në raportet e monitorimit është gjetur se Pala Përgjegjëse ka vepruar në kundërshtim me nenin 2, paragrafi 2.1.3 të Kushteve dhe Termeve të Përgjithshme të Licencës, pasi që në mënyrë të vazhdueshme ka bërë bartjen e kanaleve pa të drejtë autoriale.
11. Komisioni i KPM-së, duke u bazuar në raportet e monitorimit gjen se Pala Përgjegjëse ka dështuar që të marrë hapa të nevojshme për të ardhur në pajtueshmëri me Kushtet dhe Termet e Përgjithshme të Licencës, duke transmetuar kanale 8 kanale pa të drejtë autoriale.
12. Bazuar në raportet e monitorimit është gjetur se Pala Përgjegjëse edhe përkundër Njoftimit për Shkelje, kërkesave të dërguar nga KPM përmes të cilave i është bërë me dije se është në shkelje të Kushteve dhe Termeve të Përgjithshme të Licencës, Pala Përgjegjëse në mënyrë të vazhdueshme ka bërë bartjen e kanaleve pa të drejtë autoriale.
13. Komisioni, si rrethana rënduese për Palën Përgjegjëse merr për bazë shkeljet e vazhdueshme edhe pas kërkesave të KPM-së për të vepruar në pajtueshmëri me të drejtën e transmetimit.

14. Komisioni si rrethanë lehtësues në këtë rast merr për bazë faktin se MAX TV, bazuar në monitorimin e fundit të datës 13 gusht 2015, ka larguar një numër të konsideruar të kanaleve pa të drejtë autoriale, ndërsa mbetet në shkelje për 8 kanale.
15. Duke u bazuar në të gjitha faktet dhe analizat e lartpërmendura, Komisioni i KPM-së vlerëson se Pala Përgjegjëse ka bërë shkelje të nenit 2, paragrafi 2.1.3, të Kushteve dhe Termeve të Përgjithshme të Licencës, pasi që në mënyrë të vazhdueshme ka bërë bartjen e kanaleve pa të drejtë autoriale.

Vendimi


16. Komisioni, bazuar në të gjitha faktet dhe analizat e lartpërmendura konstaton se, Pala Përgjegjëse ka bërë shkelje të nenit 2, paragrafi 2.1.3 të Kushteve dhe Termeve të Përgjithshme të Licencës, pasi që ka transmetuar kanale pa të drejtë autoriale.
17. Komisioni, bazuar në nenin 30 paragrafi 1 pika 3, të Ligjit të KPM-së vendosë që Palën Përgjegjëse të sanksionojë me gjobë në shumë prej 2,000 (dymijë) euro, për shkelje të vazhdueshme të nenit 2 paragrafi 2.1.3 të Kushteve dhe Termeve të Përgjithshme të Licencës.

E drejta për Ankesë

18. Ankesat i parashtrihen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
19. Bordi për Ankesa do t'i merr parasysh vetëm ankesat e bazuara në informacione ligjërish të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.

Lëshimi i Vendimit

Komisioni e lëshon këtë vendim


Adnan MEROVCI
Kryetar
Komisioni i Pavarur i Mediave

27.10.2015

datë

1290.

Lloji i dërgesës _____
Vista postiljke _____

Vlera e cekur - Shuma e dërguar _____
Oznacëna vlerdnost - postani iznos _____

nën numër _____
pod br. MAX TV - SECANI DUKUJESH
për _____
za RR/ILAZ KOORA P.N / SKENDERAJ

(Vendi)
(Mesto)

Posthtë i nënshkruari deklarom që dërgesa e cekur (shuma 28.10.2017
e dërguar) është dorëzuar në rregull (paguar me datë)
Dole potpisani izjaviljuje da je pomenuta pošiljka
(postani iznos) predato uredno (placena dana)

Nënshkrimi i marrësit
Potpisanimarësit

Vula e postës së vendit
Peçat postie

Nënshkrimi i nënpunësit
të postës së vendit
Potpisnikadnika poštie



Bayrami

[Signature]